

¡BOMBA!

A ver cuánto más sacamos, aprovechando el momento; sin pagar reemplacamiento, la cerveza ya encargamos



K'uintsil

LUNES 31 DE AGOSTO DE 2020

YÓOK'LAL COVID-19, YA'ABCHAJ KO'ONOL KU BEETA'AL INTERNET, KU YA'ALIK U YUUMIL MOLA'AY



CHÍIMPOLTA'AB CHADWICK BOSEMAN TI' REDES SOCIALES TRIBUTO AL ACTOR DE *BLACK PANTHER*

Kíimile' jséeb k'uch yiknal Chadwick Boseman, máax jach k'ajóolta'ab yóok'lal meyaj tu beetaj ti' u meyajil cine. Le je'elo' tu beetaj u títpajal ya'abach ba'al ichil u meyajil cha'an ba'ale' beyxan ichil Marvel. Ya'abach máax yajóoltik ba'ax úuch yéetel máax kuxkíins *Black Panther*. Jump'éeel beeta'ab ti' Twitter tu'ux ku k'a'aytal sa'at u kuxatale' chíimpolta'ab beey leti'e' tuit

asab ya'ab u téenal ts'áankabta'an ti'al u ya'alal uts tu yich máak, beey úuchik u je'ets'el tumen le red socialo'.

43 u ja'abil ka'achij. Jts'a'ab k'ajóoltbile', Bosemane' tu ts'ook ts'áj u kuxtal *Black Panther* úuchik u beeta'al *What If...?*, jump'éeel serie táan u beeta'al tumen Marvel Studios. Oochel Reuters

CIUDAD DE MÉXICO. Chúumuk ti' tuláakal ba'ax táan u yúuchul yóok'lal u pak'be'en k'oja'anil Covid-19e', koonol ku beeta'al ti' Internet ya'abchaj yóok'ol le beyka'aj tukulta'an u konchajal ichil óoxp'éeel tak jo'op'éeel ja'abo'ob. Ts'o'ok u ka'ap'éelechajal le beyka'aj suuka'an u ko'onol yóok'lal le je'el xano' ku ya'abtal xan meyajil ku beeta'al ti'al u k'u'ubul le jejeláas ba'al ku k'áatal ti' mola'ayob ku meyajo'ob yéetel ba'ax k'ajóolta'an beey última milla, leti' ken xi'ik cha'abil je'el ba'axak nu'ukulil ku ma'anal ti' jump'éeel bodega, ti'al beyo' u biinsa'al ti' máax manik.

Cargamos, jump'éeel mola'ay ku meyajtik última millae', ku tukultik ti' Latinoamericae' ku k'u'ubul ichil 300 tak 350 millonesil ba'alob lalaj winal, ka'akilil Chinae' tu'ux ku k'a'abéetkunsal tecnologíae', ku náakal tak 5 billones.

Iván Ariza Murillo, máax jo'olbesik Cargamos, ku ya'alik walkila', ti' nukuch mola'ayob ku k'a'abéetkunsiko'ob última milla ku p'a'atal u ya'abil koonol ku yantal, ka'alikil le mejentako'obe' ma'atech u náakalo'ob mix 15 millonesil ti' jump'éeel winal, kex ka laj múuch'uko'obe'. Ku tukulta'ale', ti' le jo'op'éeel ja'abo'ob ku taalo'oba' yaan u náakal tak 3 billonesil ti' u lu'umil América Latina.

Última milla ku k'a'abéetkunsal ti' koonole' leti'e' ku asab nojochtalo', ba'ale' wa ka béeyak u múuch'ul mola'ayo'ob ti'al meyaje' mún ma'atáan u páajtal u jach ts'aatáanta'al tuláakal ba'ax ku tal, ku ya'alik.